

CYNGOR SIR YNYS MÔN

Cofnodion y cyfarfod rhithiol a gynhaliwyd ar 11 Chwefror 2022

YN BRESENNOL:

Cynghorydd Glyn Haynes (Cadeirydd)
Cynghorydd Dafydd Roberts (Is-gadeirydd)

Cynghorwyr R Dew, John Griffith, Richard Griffiths, K P Hughes, T LI Hughes MBE
Vaughan Hughes, Llinos Medi Huws, A M Jones, Carwyn Jones, Richard Owain J
G O Jones, Alun W Mummery, Bryan Owen, Bob Parry OBE FRAgS, Gary Pritchard
Alun Roberts, Margaret Murley Roberts, P S Rogers, Dafydd Rhys Thomas ac leu

WRTH LAW:

Prif Weithredwr,
Dirprwy Brif Weithredwr,
Cyfarwyddwr Swyddogaeth (Adnoddau)/Swyddog Adran 151,
Cyfarwyddwr Addysg, Sgiliau a Phobl Ifanc,
Cyfarwyddwr Gwasanaethau Cymdeithasol
Cyfarwyddwr Swyddogaeth (Busnes y Cyngor)/Swyddog Monitro
Dros Dro,
Pennaeth Priffyrdd, Gwastraff ac Eiddo,
Pennaeth Gwasanaethau Cymdeithasol
Rheolwr Gwasanaethau Pensaernïol (GT),
Swyddog Cyfathrebiadau (GJ),
Swyddog Pwyllgor (MEH).

HEFYD YN BRESENNOL: YMDDIHEURIADAU:

Dim

Y Cynghorwyr Eric Wyn Jones, R Meirion Jones, J A Roberts a
Robin Williams

Pennaeth Proffesiwn (Adnoddau Dynol) a Thrawsnewid, Pennaeth
Rheoleiddio a Datblygiad Economaidd.

CYHOEDDIADAU'R CADEIRYDD

Cafwyd y cyhoeddiadau canlynol gan y Cadeirydd:-

Cafodd Hannah Baguley, Warden Cymunedol y Tîm Cefn Gwlad, ei llongyfarch am ennill y
gystadleuaeth ffotograffiaeth a ddarlledwyd ar S4C yn ddiweddar.

Llongyfarchiadau i staff Canolfannau Hamdden yr Awdurdod gan fod pyllau nofio Amlwch,
Caergybi a Llangefni wedi dod y rhai cyntaf yng Nghymru i dderbyn y Safon Poolmark -
Safon Genedlaethol y DU ar gyfer gweithredu pyllau iach.

* * * *

Cydymdeimlwyd â Chyn Arweinydd a Chadeirydd y Cyngor, Mr Gareth Winston Roberts, a'i deulu ar golled drasig eu mab Marc yn dilyn damwain traffig y ffordd ar Bont Britannia yn ddiweddar.

Cydymdeimlwyd hefyd ag unrhyw Aelod o'r Cyngor neu Aelod o Staff sydd wedi dioddef profedigaeth.

1. DATGANIAD O DDIDDORDEB

Bu'r Cynghorydd Dylan Rees datgan diddordeb personol yn Eitem 3 - Canolfan Addysg y Bont - Y tô. Yn dilyn derbyn cyngor cyfreithiol roedd modd i'r Cynghorydd Rees gymryd rhan a bwrw pleidlais mewn perthynas â'r eitem hon.

2. CAU ALLAN Y WASG A'R CYHOEDD

Holodd y Cynghorydd Bryan Owen pam fod y mater yn ymwneud â tho Canolfan Addysg y Bont yn un i'w drafod o dan reolau cau allan y wasg a'r cyhoedd gan ei bod yn amlwg fod problem â strwythur y to gan fod y mater eisoes wedi'i drafod gan y Cyngor Llawn.

Ymatebodd y Cyfarwyddwr Swyddogaeth (Busnes y Cyngor)/Swyddog Monitro Interim fod y Prawf Budd y Cyhoedd wedi'i gwblhau mewn perthynas â'r eitem a bod y mater yn dod o dan Ddeddf Llywodraeth Leol 1972. Fodd bynnag, mae'n benderfyniad i'r Cyngor Llawn a ddylid cau allan y wasg a'r cyhoedd ond y cyngor cyfreithiol yw y dylid gwneud hynny.

PENDERFYNWYD:-

“O dan Adran 100 (A) (4) Deddf Llywodraeth Leol 1972, cau allan y wasg a'r cyhoedd o'r cyfarfod yn ystod y drafodaeth ar yr eitem a ganlyn oherwydd y tebygolrwydd y caiff gwybodaeth ei rhyddhau a honno'n wybodaeth y gwneir eithriad ohoni yn Atodlen 12A y Ddeddf honno ac yn y Prawf Budd y Cyhoedd sydd ynghlwm.”

3. TO CANOLFAN ADDYSG Y BONT

Cyflwynwyd - adroddiad gan y Pennaeth Prifffyrdd, Gwastraff ac Eiddo mewn perthynas â'r uchod.

Dywedodd yr Aelod Portffolio Prifffyrdd, Gwastraff ac Eiddo, fel sydd wedi'i adrodd i'r Cyngor Llawn eisoes, bod problemau wedi eu darganfod mewn perthynas â diffygion i strwythur y to sydd angen eu hatgyweirio yn helaeth a bod angen cyllid pellach er mwyn gallu talu am unrhyw waith ychwanegol a gwaith na ellir ei ragweld, petai'n codi.

Rhoddodd y Pennaeth Prifffyrdd, Gwastraff ac Eiddo a'r Rheolwr Gwasanaethau Pensaernïol adroddiad llafar mewn perthynas â'r sefyllfa bresennol yng Nghanolfan Addysg y Bont gan gyflwyno'r adroddiad ysgrifenedig a oedd eisoes wedi'i ddarparu i Aelodau.

Holodd yr Aelodau gwestiynau pellach ac fe ymatebodd Swyddogion i'r cwestiynau.

Roedd Aelodau'r Cyngor Sir yn gytûn bod llesiant y disgyblion a oedd yn cael eu heffeithio gan y gwaith trwsio angenrheidiol i'r to yng Nghanolfan Addysg y Bont yn hanfodol ac y dylai unrhyw aflonyddwch i'w haddysg gael ei gadw i lefel mor isel ag sy'n rhesymol bosibl. Dywedodd y Cyfarwyddwr Addysg, Sgiliau a Phobl Ifanc bod cyswllt dyddiol yn cael ei gynnal â Phennaeth Canolfan Addysg y Bont o ran y trefniadau presennol i letya disgyblion mewn gwahanol leoliadau ac er mwyn sicrhau bod y trefniadau hynny'n dderbyniol.

PENDERFYNWYD yn unfrydol y dylid:-

- rhyddhau swm ychwanegol o £1.5 miliwn o falansau cyffredinol y Cyngor
- awdurdodi'r Pennaeth Gwasanaeth Priffyrdd, Gwastraff ac Eiddo i wneud y trefniadau angenrheidiol ar gyfer ymgymryd â'r gwaith atgyweirio a dyfarnu contract yn uniongyrchol i'r cyflenwr arbenigol heb yr oedi a'r ansicrwydd sy'n gysylltiedig â dilyn proses gaffael lawn.
- awdurdodi'r Pennaeth Gwasanaeth Priffyrdd, Gwastraff ac Eiddo, mewn ymgynghoriad â'r Cyfarwyddwr Swyddogaeth (Adnoddau) / Swyddog Adran 151 a'r Pennaeth Swyddogaeth (Busnes y Cyngor) / Swyddog Monitro, i barhau â hawliad i adennill costau'r gwaith atgyweirio a'r holl gostau cysylltiedig eraill gan unrhyw barti y bernir eu bod yn atebol am adeiladwaith diffygiol y to.

Daeth y cyfarfod i ben am 1.20 o'r gloch

**Y CYNGHORYDD GLYN HAYNES
CADEIRYDD**